

Umhverfis- og auðlindarráðuneytið
Skuggasundi 1 – 3
101 Reykjavík

BLUE LAGOON
ICELAND

Sent á Samráðsgátt

Reykjavík, 24. júní 2019

Efni: Umsögn um drög að reglugerð um (2.) breytingu á reglugerð nr. 460/2015, um baðstaði í náttúrunni.

Bláa Lónið hf. hefur tekið til umsagnar drög að reglugerð um (2.) breytingu á reglugerð nr. 460/2015, um baðstaði í náttúrunni, sem birt var á Samráðsgátt stjórvalda 7. júní sl.

Bláa Lónið hf. vill koma á framfæri eftirfarandi athugasemdum:

Í 2. gr. reglugerðardraganna er gert ráð fyrir að á eftir 2. mgr. 7. gr. reglugerðar bætist ný málsgrein sem mæli fyrir um að heimilt sé að veita áfengi í takmörkuðu magni, í margnota umbúðum eða margnota glösum, á baðstað.

Bláa Lónið hf. styður breytingatillöguna, en bendir jafnframt á að heppilegra geti verið og jafnvel umhverfisvænna að gera jafnframt ráð fyrir því að veita megi drykki í umbúðum eða glösum sem endurvinnanleg eru eða brotna auðveldlega niður í náttúrunni án hættu eða skaða fyrir umhverfið eða menn. Við blasir að ekki er unnt að veita drykki í umbúðum eða glösum úr gleri eða öðrum efnum sem hætta er á að brotni og/eða sökkvi til botns á baðstöðunum. Þá er viðbúið að við þvott á margnota umbúðum falli til hreinsiefni í því magni að þau markmið með umhverfis- og náttúruvernd sem að er stefnt með notkun margnota umbúða eða glasa, náist síður eða jafnvel ekki. Bláa Lónið hf. hefur þegar hafist handa við að skoða umhverfisvænar lausnir í formi endurunnins pappa, bambus eða sterkjum, sem kynnu mögulega að vera heppilegri en margnota umbúðir eða glös þegar horft er til umhverfisáhrifa þeirra í heild.

Bláa Lónið hf. styður þá tillögu sem kemur fram í umsögn SAF hvað varðar breytingu á fyrsta málslíð hinnar nýju málsgreinar og leggur einnig til eftirfarandi orðalag:

„Heimilt er að veita áfengi í takmörkuðu magni á baðstað, í umbúðum eða glösum sem eru margnota eða úr efnum sem eru endurvinnanleg eða brotna auðveldlega niður í náttúrunni án mengunar eða hættu fyrir menn.“

Þá telur Bláa Lónið hf. afar mikilvægt að tryggja aðlögunartíma hvað varðar breytingar á boðaðri reglugerð. Telur fyrirtækið að horft sé til 12 mánaða, í því samhengi, enda mikilvægt að gefinn sé aðlögunartími til að finna réttar lausnir í línu við kröfur, verða sér út um þær, gera prófanir og aðlaga áður en lagt er af stað.

Virðingarfyllst,
f.h. Bláa Lónsins hf.



Már Másson
Framkvæmdastjóri viðskipta- og rekstrarsviðs